

mo esso cardinal al re. La Signoria è stà constreta a dargelo. *Et similia verba.*

Del ditto, di 13. Come era stà concistorio; et si fa le bolle per la decima di preti papal, non li executori quando si ordina le cosse de li; et lo episcopo di Chai, va orator in Hongaria, partirà a di 16; et lo episcopo di Tioli, vien orator a la Signoria nostra, ozi è partito di Roma. *Item*, di do oratori francesi venivano de li, zoè monsignor de Agrimont, cavalier di l' hordine di San Michiel, et monsignor de Morta, fono asaltadi tra Montefiaschon et Viterbo da XXX, e fo feriti uno di l' horo, et di Viterbo se ne parti 80 homeni. *Item*, manderà per il primo la bolla auà dil perdon di la chiesa di San Marco.

Da Monopoli, dil governador, di 24 april. Chome à nove, la nave granda dil turcho è a Lepanto non è possibile di meterla a charena, et la galeaza grossa si brusò, et che 'l Barbeta, con vinti di quelli compagni stati l' anno passato su l' armata, erano stà conduti a la Porta, et erano stà conze galeaze 17, et fuste zerecha 15. Le qual nove l' à 'bute per via di Napòli, li à parssò dar aviso.

Da Sonzim, di sier Zuam Maria Mudazo, provedador. Zerecha li beni sono de li, di 8 rebelli etc. La Signoria ordeni; et nulla fo fato.

Da Brexa, di sier Polo Trivixam, el cavalier, e sier Domenego Beneto, con alcuni avisi auti di Valchamonicha. Di certa strada si fa per quelli di la liga grisa; voleno tuor la Valtolina, si dice per il Moro.

Da Milam, di l' orator nostro, di 15, qual non fo lete. Avisa la partita dil cardinal Roam per Pavia esser stata per non veder e trovarsi in Milan a la venuta dil cardinal Aseanio; e par che zonto fusse Aseanio a Lodi, li andò contra monsignor di Beumonte con assa' zente, e lo condusse a Milam.

122 *A di 18 mazo.* In colegio, fo molte letere ma non da conto, qual non fo lete. Fo spazà la nave di sier Marco Manolesso, va con monitiom in Candia e cosse di armar galie; fo fato li sopracomiti, justa la parte presa im pregadi et opinion mia; rimaseno solum tre; il seurtinio sarà qui sotto.

Et di hordine dil colegio mi tochò andar sora porto con un scrivani a l' armamento, a far la cercha di la nave di sier Marco Zustignam, di homeni 110, dia partir questa note per armada. Et parti etiam la nave Malipiera e Mosta, e una galia grossa di sier Pexaro da Pexaro, et la curzolana va armar de li.

Et è da saper, che in una nave vi va tutti questi officij, videlicet: patrom, nochier, nobele, pedota di Levante, scrivam, penese, parom zurado, calafao,

marangon, homo di conseio, boter, barbier, timoner, masser, schalcho, scrivanello, boteri et marinari, chalafato, marangoneto, capo di bombardieri, bombardieri do et fante etc.

Intrò li cai di X, et mandati fuora tutti, poi fo gran conseio.

In colegio electi VI sopracomiti, videlicet cinque di fermo et uno di rispetto, justa la parte presa im pregadi, di le galie grosse di viazi vanno in armada.

20	Sier Michiel Zustignam, fo patron di nave, di sier Polo	4.17
21	Sier Lunardo Bembo, quondam sier Francesco	8.14
† 14	Sier Marco Antonio da Canal, el grandò, quondam sier Francesco	14. 8
4	Sier Silvestro Orio, fo 40 zivil, di sier Hironimo	4.18
18	Sier Zuan Maria Malipiero, fo podestà a la Mota, di sier Piero	4.17
5	Sier Lucha Griti, quondam sier Hironimo, quondam sier Triadam	9.13
19	Sier Zuan di Garzoni, fo sopracomito di galia grossa, de sier Marin	11.11
† 2	Sier Francesco di Prioli, fo podestà a Budoa, quondam sier Ruberto	13. 9
1	Sier Alexandro Simitecolo, fo patrom di nave	7.15
13	Sier Piero Querini, fo sopracomito, quondam sier Biaxio	9.13
17	Sier Zuan Badoer, fo vice sopracomito al tempo di Galipoli	10.12
10	Sier Alvixe Dolfim, fo patron di galia, q. ondam sier Dolfim	10.11
6	Sier Vincenzo da Mosto, fo patron al trafego, quondam sier Andrea	6.16
9	Sier Zuam Francesco Polani, de sier Giacomo	11.11
8	Sier Lorenzo Zustignam, quondam sier Unfre'	2.19
† 7	Sier Cabriel Soranzo, fo patron in Barbaria, quondam sier Bertuzi	12.10
11	Sier Marco Loredam, quondam sier Antonio, el cavalier, procurator	6.15
3	Sier Francesco Gradenigo, di sier Nicolò, el grandò	6.16
7	Sier Alvixe Contarini, di sier Piero, quondam sier Giacomo	9.13
5	Sier Filippo Badoer, quondam sier Zuam Cabriel	9.13